

موحشة طيبة بعد أبو اليمّة طلّع من مكّة ولاندرى رحل وين
بإلله خبرني وعنه طمّني تدري يابن الحنفيّة امعزة حسين
هايمّة بروحي شايله اجرّوحي وين خبرني كصد نسل الميامن

ما تكلي عن ضمّنا وينه هيّد نزع احرامه وگضى للحج مفرد
وسافر ولاندرى وين العيد عيّد شلّلي عن خيك ترى تخفي عليّه

خنّگته العبره وهتف سمعي يا حصن الشرف

سالت ادموعه بونه موجوعه يم لبنين ارتحل للغاضريه
سار بضعونه واليحوطونه صفوة اولادچ وأسباع الحميّة
وبأرض لطفوف نصب خيماته وحاطت اعليه ابحدد ألام اميه

ونة وسال الدمع بالخد مسفوح گوم يوليدي لراضي كربلا انروح
ندرك الوالي گبل ماي موت مذبح ونصر احسين ابدمانه ياشفيه

نادى يم الأربعة ومنه يجري مدمعه

يخاله نظري اخباره عسى يرجع من اسفاره
يعود بجملة انصاره ونسمع منه ابشاره

بچت حسره وهلت مدمع العين عسى فال السلامة يرجع احسين
نذر لزرع ورد وانثر رياحين وخلي بالمدينة العيد عيدين

يعود بأهله واصحابه يعود لداره واحبابه
حزينه والله بغيابه وگلبي زايد امصابه

تراني مگدر اعلى وحشة الدور أطل وحدي بجزني وگلبي مجمور
أحس ليام طالت صارت اشهور بعدهم والله ويني وين لسرور

لا عيشي هني ولا كلبى يطيّب
شيبني الألم من قبل المشيب
دولبني الدهر من بعد الغريب
سافر والبعد جمرات ولهيب

عليكم أجري دمعتي
ونادي يهلي وعزوتي
حسافه أبكى بوحدتي
وحيده واصفك راحتي

حبدي منفري من دهرِ ظلوم
وعمري بلوجع ما ظنه يدوم
حزني لو وگع ثگله بلجبل
خر هذا الجبل من كثر الهموم

خليه دارك مظلمه
وفيها بنتك فاطمه
العائله والله مألّمه
بمدامع جمره ساجمه

تنادي يغرّاب اشجری
لهلي والله محيره
وينه سبع الكنطره
وينه

وينه جاسم والشباب
ذاب كلبى من العذاب
وينه اسكينه ورباب
وينه

وين ابو سكنه العطوف
يرأف بحالي ويشوف
عاقني بأرض الطفوف
وينه

اندبه صيح ومسا
أه يادهر الكسى
حزني والله اتنفسه
وينه

عودت لضعون والكلب محزون
حضنت الخالة والجسم منحول
لاتنشديني خاله عذريني
صار لمناشد وزينب صفغت الجف
بس زفير الصوت تسمع والدمع جف
كلبي اتفتت على اللي بعرضة الطف

مقدر احجي بلجري يا ضنوة الروح
بعد اخوتي عشت بالآهات والنوح
خاطري من كربلا ياخاله مجروح
انصب اعليهم عزا صبح ومسية

سالت ادموعي دما آه يخاله مألمه

خابت اظنوني وانعمت عيني
چايد اعليه هالخبر والله
هلجري بالطف مثله ماصاير
بعد ما شفت الرزايا بفجعة البين
وادري ابشرح المصايب ماتگدرين
فجع كلبي يلعزيزة بلوعه وونين

گالت وحق فاطمه وظاهر جرها
انشدچ يا حورا فصلي لي خبرها
أدري وگعة كربلا چايد أمرها
عن ابو سكينة وعن ليوث السرية

وعن شجون العايله بالجرى في كربلا

وخبريني عن العباس
وعن جثة أبو اليمه
وفى لعهوده راعي الباس؟
صدگ في المعركة تنداس؟

تكلها سمعي ونشفي العبرات
وبس هيس ابرده گال هيهات
أبو فاضل تعنى لشاطي لفرات
أنا اشرب وخويه حسين ظامي

يخاله وبس ملی جوده
نهض وبجفه الصارم
وشاف ادروبه مسدوده
وتالي گطعوا ازنوده

نعم سوى العجاج وزلزل الطف
وثار ابعزمه وبأيده العلم رف
تلگاها وطوى صف على صف
أو خلى الكاع من صولاته دامي

شحجي ياخاله عن أبو اليمه
ينظر انصاره اموسده الغبره
نادى ابلوعه وهمل دمعاته
في فيافي كربلا من وگف محتار
صفگ چفه بحسرتة والدمع نثار
لئش عفتوتتي بالرمضا آه يلنصار

خلت خيمتكم يذخري ويار جاجيل
وانا وحدي حايطيني الزلم والخييل
بس حرم واطفال عندي اتكابد الويل
وهالأعادي بالضعجين ممثليه

آه يغوث الموزمه دمعي اعليكم همي

واگف اعليكم بس أنخيمك
مفرد وحاير مدمعي هامر
تنادي عطشانه والله لهفانه
ولا واحد يخوتي يسمع لنخووي
وبس ضجيج الصوت أسمع من يتاماي
وين أبو فاضل يجيها بگطرة الماي

نادى وفيتوا العهد ناموا يفرسان
ورجع يودع حريمه بگلب وجعان
موبعيدة طيحتي بعرضة الميدان
حاير ودمعاته بخدوده جريه

رجع ظهره منكسر وگلبه بالهم مستعر

رجع والدمعه يهميها
يخيه احفظي العيله
إليا وگام يوصيني
وحاميها بعد عيني

في أمان الله يشمامة الكرار
والعطش فت چبدي والجو اشتعل نار
رايح أرض المعركة وماعندي انصار
بعد عيني احفظي النسوة ولصغار

يحوره جهزي مهري
لفيت اتعثر بحسره
يذخري وياسند عمري
ودمعي بالألم يجري

صحت باهاتي ولو عاتي الشجيه
ألثم أنحرك وصدرك ياشفيه
عندي لك من فاطم الزهرا وصيه
گبل مترضه الخيول الاعوجيه

ومن حدّر على الزمرة الظالمة
ناداهم انا بن حيدر علي
وكلبه ملتهب من جمر الضمى
جدي المصطفى وامي فاطمه

تحوطوني بحقد الوف
وانا وحدي بلا معين
عليه امشهره السيوف
غريب بعرضة الطفوف

ألوى عنانه مدّ جفينه بدعاه
وما بين الدعا والهّم والشجن
ولسيفه غمد ويناجي رجاه
لمثلث وكّع في لبّة حشاه

هوى من سرجه يا وسف
شلع من ظهره السهم
وصدره دامي انخسف
وريده بالدماء نرف

وأه من ذاك الحجر
ترك بالغرة أثر
صك جبينه واعتقر
حُمُـرُه

والضبابي من لفاه
تالي المنحر فراه
كبّه ويلي اعلى قفاه
بغـرُه

الدنيا صارت مظلمه
وين امه فاطمه
تبجي لحامي الحمه
الزهُـرُه

تشوف ابنها منذبح
ودمه بالطف منسفح
وراسه بذروة رمح
حـسـرُه